

地 310.35
42
卷 2: 12



同安縣志

卷卅九人物錄寓賢 卷四十人物錄方外 卷四十
一雜錄 卷四十二舊志小引

同安縣志卷之三十九

寓賢錄

語曰人以地傳吾謂地實以人傳耳歷觀史籍聖賢豪傑道德勛名增光閭閻無
論矣卽騷人墨客遷謫投荒偶爾駐足後人猶爭引以爲重如子厚之於永州子
瞻之於儋耳又誰謂人必以地傳哉同自考亭作簿高士置軒延平復明儲賢設
館誠以語靈秀則山海奧區論交通則泉漳孔道故高人奇士或寄跡斯土或歲
久爲家雖在板蕩德壤間仍不改其樂國樂郊之適者後先相望均足動後世之
景行斯亦綴拾舊聞網羅黎獻者所樂爲稱道以寓杖杜蒹葭之意也但前志疏
略僅及隆武諸遺老其例稍乖今特爲補輯兼拾闕遺雖未敢謂流寓諸賢盡備
於斯然勝國以後民國以前耳目所及者大略具矣志寓賢

宋 黃輔

明 林同

鄭郊

弟郊

沈佺期

辜朝薦

清 鄭纘祖

林之濬

藍鼎光

趙翼

何焯

黃士彬

洪世澤

張際亮

伊秉綬

林春溥

謝穎蘇

陳榮仁

同安縣志

卷之三十九

人物錄 寓賢

施鴻保

曾福謙

陶濬宣

易順鼎

施士洁

宋

黃輔字仲卿宋末舉進士與趙孟頫同時相善元時隱居浯洲卜築金水家焉卒葬

牛眠山今前水頭村黃氏其苗裔也家譜

明

林同字于野福州人博學力行安貧樂道居家教授學者宗之洪武中寓居同安龍

田鄉戶部李文郁奉以爲師率其徒受學力薦於朝授同安訓導至官甫二日卒

葬於本鄉後石墓岡前時人惜之所著有銅魚集閩大記載銅魚集爲晉江林龍

鄭郊字牧仲莆田人明貢生值明季閩變避難入廈門清介博雅出入祇方巾布衣

與里人鄭慕生義門王肖槐交最善弟郊字奚仲亦負氣節

沈佺期字復齋南安人晉江籍崇禎癸未進士授兵部郎中清兵入閩佺期遯跡廈

門旋往臺灣閉門謝客累徵不起志

辜朝薦字在公潮州人明進士授江南安慶推官歷掌科垣晉卿寺與郭之奇羅萬

傑黃奇遇號爲四俊棲廈門後移寓臺灣卒志

清

鄭纘祖字哲遠號遠公南安人康熙癸卯與叔鳴駿弟纘緒率眾歸清授參政職隸
旗籍以事落職歸寓同安殫心著述有雪泥集及遠齋集志府

林之濬字巨川號象湖惠安人康熙乙酉順天舉人丙戌進士翰林院編修歷左春
坊左中允甲午典貴州試丙申督學江南歸田後酷愛白鹿洞虎溪巖萬石巖諸
勝均著有游草故寓厦久有西村詩集行世溫陵詩紀

藍鼎元號鹿洲漳浦人康熙拔貢朱一貴之亂佐其兄藍提督廷珍平臺功授普寧
縣先是江夏侯叛五砦於閩海而浯洲一砦上接湄洲下拊銅山尤為要區然形
勢既更險要亦失鹿洲乃徧歷同邑海道如高崎集美浯洲料羅均躬親察勘故

寓邑最久卒以此成七日平臺之功云鹿洲文集趙翼藍鹿洲傳

趙翼字雲崧號甌北陽湖人乾隆進士官翰林院檢討林爽文之亂佐福康安幕寓
厦久於邑諸古蹟均有題詠甌北集

何焯字義門長洲人乾隆間嘗設教於邑西門內之翼亭孝廉陳光章即其門下士
也著有三箋困學紀聞

同安縣志

卷之三十九

人物錄 寓賢二

黃士彬字蓮士晉江人寓同安之厦門有草廬詩集看山樓唱和詩與張錫麟薛起

鳳林明禔莫鳳翔張承祿八人結雲洲詩社號雲洲八子溫陵詩紀

洪世澤號良堂南安人乾隆丙辰以廩生薦舉博學鴻詞科已未補試授翰林院庶
吉士散館授檢討寓厦久有游雲頂巖及金榜訪黯公石室

張際亮字亨甫建寧人嘉慶舉人寓馬巷厦門最久所至均有吟咏以發抒其所見
張亨甫文集

伊秉綬字墨卿上杭人道光朝進士官蘇松太道久寓厦榕林墨卿工漢隸與呂孝
廉西村齊名後莆田郭蘭石主講玉屏自謂伯仲之間見伊呂并雕為小印亦藝

林佳話也郭尙先筆記

林春溥字鑑塘侯官人早歲中咸豐朝進士官翰林院編修後重宴瓊林嘗寓厦病
疴有異人授以吐納之方病若失尋又享大年楊雪滄鷺江雜詠云攝生信可憑
人力願向先生乞七載即詠此也冠梅堂詩集註

謝穎蘇字瑄樵詔安人咸豐諸生工書畫客厦島林剛愍文察為水師提督聞謝名
延為幕賓同治甲子九月粵寇陷漳文察就義萬松關謝死之謝筠士髮逆陷漳記

陳榮仁號鐵香晉江人同治甲戌進士酣嗜金石以搜羅清源文獻爲職志寓同日

久凡斷碣殘碑荒巖廢寺無不躬親蒐討每有所得輒著於詩篇有藤花館詩集

及桐城舊話行世參藤花館詩集王季樵學使鐵香傳

施鴻保字可齋浙錢塘人以諸生游幕同治乙丑丙寅間往來同厦著有左傳註疏

六十卷閩雜記二十六卷辛未三月卒於晉江年七十四

曾福謙原名宗亮號鄒叟閩縣人光緒癸未進士戊子及癸巳客下溪仔吧城陳文

炳家閒偕游同安如大輪三秀夕陽文圃諸山均有題詠曾鄒叟詩集

陶濬宣字子宣浙江寧波人工隸篆及六書假借之學癸巳甲午寓同厦爲人書便

面條幅間受潤資以供旅費憤同安厦門風俗劣點悉發爲詩歌如老婢行假子

行花會土漿歎尤膾炙人口李芋仙筆記

易順鼎字實甫龍陽人以舉人捐候補道甲午中東失和臺灣獨立易丁內艱奉諱

從軍寓厦候旨後議和全臺割讓易徜徉山水徧游虎溪鹿洞及文圃夕陽山絕

口不言時事惟將憤懣託諸詩歌著有哭葦詩集二十卷易實甫詩集樊樊山哭葦詩序

施士洁字雲舫晉江人光緒丙子進士官工部郎中光緒甲午割臺後遁歸鼓浪嶼

同安縣志

卷之三十九

人物錄 寓賢三

主林侍郎菽莊家日與名流唱和結菽莊吟社民國改元後益以詩酒自放壬戌

四月卒於鼓浪嶼年六十歲沈琛笙施雲舫傳